

附釋音周禮注疏卷第十二

泰監盧氏
圖直校定

鄭氏注 賈公彥疏

鄉大夫之職各掌其鄉之政教禁令

鄭司農云萬二千五

百家

疏

鄉大至禁令。釋曰六鄉大夫各掌其鄉之政令及十二教與五禁號令皆掌之。注鄭司至為鄉

釋曰案上文五州為鄉故知萬二千五百家為鄉

正月之吉受教灋于司徒

退而頒之于其鄉吏使各以教其所治以攷

其德行察其道藝

其鄉吏州長以下。治直吏反下考治下治所治處同行下孟反下

及注德行之

疏

正月至道藝。釋曰言正月之吉者謂建子之月月朔之日云受法於司徒者謂若

大司徒職十二教已下其法皆受於司徒而來云退而頒之于其鄉吏者謂已於司徒受得教法遂分與州長已下至比長云使各以教其所治者亦謂州長已下至比長各教所治也云攷其德行者謂鄉大夫以鄉三物教萬民遂考校其萬

民有六德六行之賢者云察其道藝者謂萬民之中有六藝者並擬賓之。注其鄉吏州長以下。釋曰以其比長以上至州長皆屬鄉大夫故知鄉吏州長以下至比長以歲時登其夫家之衆寡

辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時

入其書登成也定也國中城郭中也晚賦稅而早免之以其所居復多役少野早賦稅而晚免之以其復少

役多鄭司農云征之者給公上事也舍者謂有復除舍不收役事也貴者謂若今宗室及關內侯皆復也服公事者謂若今吏有復除也老者謂若今八十九十復羨卒也疾者謂若今癰不可事者復之立謂入其書者言於大司徒。復音福下疏以歲至其書。釋曰云以歲時者謂歲之四時登猶司成也定也夫家謂男女謂四時成定其男女多少云辨其可任者謂分辨其可任使者云國中自七尺以及六十者七尺謂年二十知者案韓詩外傳二十行役與此國中七

尺同則知七尺謂年二十云野自六尺以及六十有五者六尺謂年十五故論語云可以託六尺之孤鄭注云六尺之孤年十五已下彼六尺亦謂十五鄭言已下者正謂十四已下亦可以寄託非謂六尺可通十四已下鄭必知六尺年十五者以其國中七尺爲二十對六十野云六尺對六十五晚校五年明知六尺與七尺早校五年故以六尺爲十五也云皆征之者所征稅者謂築作挽引道渠之役及口率出錢若田獵五十則免是以祭義云五十不爲甸徒若征伐六十乃免是以王制云六十不與服戎彼二者並不辨國中及野外之別云其舍者謂不給繇役則國中貴者已下是也云以歲時入其書者此上所云皆歲之四時具作文書入於大司徒故云歲時入其書也○注登成也至司徒○釋曰云登成也定也者以其夫家衆寡若不作文書則多少齒歲不定若作文書多少成定故云登成也定也云國中城郭中也者以其對野故知國中是城郭中也云晚賦稅而早免之者以其經云七尺及六十對野中六尺至六十五是其晚賦稅而早免之云以其所居復多役少者以此經云國中貴者至疾者皆舍據國中而言是其國中復多役少也鄭司農云四事皆若今者並舉漢法況之立謂入其書者言於大司徒知者以其上云受法於司徒故知入其書者言於大司徒

二年

則大比攷其德行道藝而興賢者能者鄉老

及鄉大夫帥其吏與其衆寡以禮禮賓之

賢者

有德行者能者有道藝者衆寡謂鄉人之善者無多少也鄭司農云興賢者謂若今舉孝廉興能者謂若今舉茂才賓敬也敬所舉賢者能者立謂變舉言興者謂合衆而尊寵之以鄉飲酒之禮禮而賓之
疏三年至賓之
閏天道小成則大案比當鄉之內云考其德行道藝者德行謂六德六行道藝謂六藝云而興賢者則德行之人也能者則道藝之人也云鄉老及鄉大夫帥其吏者謂州長以下云與其衆寡者謂鄉中有賢者皆集在庠學云以禮禮賓之者以用也用鄉飲酒之禮以禮賢者能者賓客之舉。注賢者至賓之。釋曰云賢者有德行者欲見賢與德行為一在身爲德施之爲行內外兼備卽爲賢者也云能者有道藝者鄭亦見道藝與能爲一上注云能者政令行其身有道藝則政教可行是能者也云衆寡謂鄉人之善者無多少也者案鄉飲酒堂上堂下皆有衆賓不言其數此經衆寡兩言無問多少皆來觀禮故云無多少也鄭司農云若今舉孝廉及茂才者孝悌廉絜人之德行故以孝廉況賢者茂才則秀才也才人之

技藝故以况能者也。玄謂變舉言興者案禮記文王世子云或以事舉或以言揚故今貢人皆稱舉今變舉言興云謂合眾而尊寵之者合眾即此經云鄉老及鄉大夫已下是也云鄉飲酒之禮者則儀禮篇飲酒賓舉之法是也。厥

明鄉老及鄉大夫羣吏獻賢能之書于王王

再拜受之登于天府內史貳之

厥其也其實之明日也獻猶進

也王拜受之重得賢者王上其書於天府天府掌祖廟之寶藏者內史副寫其書者當詔主爵祿之時。上其時掌反藏才浪。疏。厥明至貳之。釋曰厥明者謂今日行鄉飲酒之

反

疏

禮也至其明日表奏於王。注厥其至之時。釋

曰云天府掌祖廟之寶藏者是春官天府職文也引之者欲見天府掌寶物賢能之書亦是寶物故藏於天府云內史副寫其書者貳副也內史副寫一通文書擬授爵祿案內史職有策命諸侯羣臣之事故使內史貳之退而以

鄉射之禮五物詢眾庶一曰和二曰容三曰

主皮四曰和容五曰興舞

以用也行鄉射之禮而以五物詢於眾民鄭司

農云詢謀也問於衆庶寧復有賢能者和謂閨門之內行也容謂容貌也主皮謂善射所以觀士也故書舞爲無杜子春讀和容爲和頌謂能爲樂也無讀爲舞謂能爲六舞玄謂和載六德容包六行也庶民無射禮因田獵分禽則有主皮主皮者張皮射之無侯也主皮和容與舞則六藝之射與禮樂與當射之時民必觀焉因詢之也孔子射於矍相之圃蓋觀者如堵牆射至於司馬使子路執弓矢出誓射者又使公罔之裘序點揚觶而語詢衆庶之儀若是乎。寧復扶又反下猶復同皮射之食亦反樂與音餘矍俱縛反。疏退而至本或作瞿音同相息亮反堵丁古反觶支豉反。疏與舞。釋曰言退者謂獻賢能之書於王退來鄉內云以鄉射之禮者州長春秋二時習射於序名爲鄉射今鄉大夫還用此鄉射之禮云五物詢衆庶者物事也。一曰二曰已下是也。注以用也至是乎。釋曰行鄉射之禮者案今儀禮鄉射云豫則鉤楹內堂則由楹外又云序則物當棟堂則物當楣堂謂鄉學據鄉大夫所行射禮也豫謂州長春秋二時習射於序司農云和謂閨門之內行也者以其父子主和故和謂閨門之內行也云容謂容貌也者以其容是容儀故知容貌也後鄭不從此義杜子春讀和容爲和頌謂能爲樂也者與舞即舞樂今又以和容謂能爲樂故後鄭亦不從玄謂和載六德

容包六行也者破司農子春之義案大司徒以鄉三物教萬民敎成則興之明此詢者還是三物之內不是三物之外別有和容又且主皮興舞是六藝之內明此和容是六德六行之中在下謂之載和在六德之下故云和載六德云容包六行者在上謂之包容則孝也孝在六行之上故云容包六行必知容得爲孝者案漢書高堂生善爲容容則禮也善爲孝者必合於禮之容儀故以孝爲容者也云庶民無射禮者天子至士有大射燕射賓射之等庶人則無此射禮故云無射禮也云因田獵分禽則有主皮者案大司馬職大獸公之小禽私之者至舍更與在田之人射則取之則有云主皮主皮者張皮射之無侯也者自士已上張皮侯采侯獸侯庶人主射此皮故云主皮無侯也云主皮和容興舞則六藝之射與禮樂與者以此三者當之故以主皮當射和容當禮興舞當樂若然三物之中其事一十有八今六德之中唯問和六行之中唯問容六藝之中唯問禮樂獨問此者既貢賢於王其餘則未能盡備故略舉五者以問之六德是其大者故問下之和者六行是其小者故問上之者也六藝之中禮以安上治民樂以移風易俗男子生設弧於門左射則是男子之事此者人行之急故特言之自餘略而不說又云當射之時民必觀焉因詢之也者案鄉射記唯君有射于國中其餘則

否注云臣不習武事於君側以其鄉射在城外衆庶皆觀焉
故得詢此五物云孔子射於矍相之圃已下者此是禮記射
義文天子諸侯射先行燕禮鄉大夫士射先行鄉飲酒之禮
時孔子爲鄉大夫鄉射之禮先行飲酒禮故云孔子射於矍
相之圃矍相地名以其臣不得在國射故射於矍相之圃蓋
觀者如堵墻者以其鄉內衆庶皆集在射所故云觀者如堵
墻云射至於司馬者以其飲酒之禮必立司正於將射變司
正爲司馬也案鄉射大射司射執弓矢今此云子路執弓矢
則子路爲司射也云子路出誓者以其衆庶多不可盡與之
射故誓去之云又使公罔之裘序點揚觶而語者案鄉飲酒
之禮一人舉觶爲族酬始二人舉觶爲無筭爵始射在無筭
爵前今誓在無筭爵後者但射實在無筭爵前今未射之前
用此無筭爵禮二人舉觶之法以誓衆庶耳非謂此射在無
筭爵後云詢衆庶之儀若是乎者孔子謂諸侯鄉大夫此經
是天子鄉大夫引彼以此謂使民興賢出使長之
證此故云乎以疑之

使民興能人使治之

言是乃所謂使民自舉賢者因出之而使之長民教以德行道

藝於外也使民自舉能者因人之而使之治民之貢賦田役之事於內也言爲政以順民爲本也書曰天聰明自我民聰

明天明威自我民明威老子曰聖人無常心以

疏

此謂至

百姓心爲心如是則古今未有遺民而可爲治
釋曰言此謂使民興賢者謂上經賓舉者皆民中舉之還使
治民故云此謂使民興賢出使長之謂使鄉外與民爲君長
云使民興能人使治之者謂能者復來人鄉中治民之貢賦
。注言是至爲治。釋曰云使民自舉賢者因出之而使之
長民教以德行道藝於外也者以賢者德大故遣出外或爲
都鄙之主或諸侯皆可也以其自有德行道藝故還使之教
民以德行道藝云使民自舉能者因入之而使之治民之貢
賦田役之事於內也者以其能者德小不可以爲大夫諸侯
等故還入鄉中量德大小以爲比長鄧長已上之官治民之
貢賦田役於內也云言爲政以順民爲本也者禮記云上酌
民言則下天上施上不酌民言則下不天上施故言爲政以
順民爲本也書曰天聰明已下是尙書咎繇篇之文也自用
也言天雖聰明視聽既遠不自用己之聰明用民之聰明民
之歸者則授之以天位謂若湯武是也天明威自我民明威
者威畏也天雖明察可畏不自用己之明威用我民明威民
所叛者則討之謂若桀紂是也云老子曰聖人無常心以百
姓心爲心者但聖人形如枯木心若死灰空洞無我故無常
心以百姓之心爲心引之者證順民爲本之意云如是則古

人未有遺民而可為治者天聰明是古老子與此文
為今皆順民為治故云古今未有遺民而可為治也 歲終

則令六鄉之吏皆會政致事會計也致事言其歲盡文書 [疏]

年終至致事。釋曰年終將考其得失則令六鄉之吏州長
之官皆計會教政之功狀致其所掌之事於鄉大夫鄉大夫

以下致與大司農然後考之 正歲令羣吏攷灋于司徒以退各

憲之於其所治之國 [疏] 釋曰正歲建寅之月鄉大
夫令州長已下羣吏令使

考法於司徒正謂受而考量行之故云 大詢于眾庶則
以退各憲之於其所治憲者表縣之也

各帥其鄉之眾寡而致於朝 大詢者詢國危詢國
遷詢立君鄭司農云

大詢于眾庶洪範 [疏] 大詢至於朝。釋曰國有大事必順
所謂謀及庶民 於民心故與眾庶詢謀則六鄉大夫

各帥其鄉之眾寡而致於朝謂外朝三槐九棘之所共詢謀
之。注大詢至庶民。釋曰知大詢詢國危詢國遷詢立君

者案小司寇職云掌外朝之政以致萬民而詢焉一曰詢國
危已安庶民云國大詢于眾庶而致於朝故知大詢者詢國

危之等此三者皆是國之重大事故稱大詢小司寇雖不云大
大卜云大貞即此詢國危之等也鄭司農云大詢於衆庶引
洪範所謂謀及庶民者彼謀及庶民即大詢於衆庶一也故引爲證

國有大故則令民

各守其間以待政令

使民皆聚於閭胥所治處

疏

國有至政令釋曰大故謂

災變寇戎之等警急須人故鄉大夫令州長已下使民各守
其間胥所治處以待國之政令。注使民至治處。釋曰二
十五家爲閭中士爲閭胥以旌節輔令則達之以民雖
則有治政之處以聚其民以旌節輔令則達之以民雖
令行其將之者**疏**以旌至達之。釋曰國有重大事故恐有
無節則不得通**疏**姦寇故使民徵令出入來往皆須得旌
節輔此徵令文書乃得通達使過故鄭云
民雖以徵令行其將之者無節則不得通

州長各掌其州之教治政令之灋

鄭司農云二千五百家爲

州論語曰雖州里行乎哉春秋傳曰鄉取一人焉以歸謂之夏州
一人爲州長故云州長各掌其州之教也教謂十二教之外
所施政令皆治之。注鄭司至夏州。釋曰二千五百家爲

州者雖無正文約則有之案上文五家爲比五比爲閭四閭爲族五族爲黨五黨爲州州二千五百家也又引春秋傳曰已下者案左氏宣公十一年傳曰楚子伐陳遂入陳殺夏徵舒因縣陳申叔時諫乃復封陳鄉取一人焉以歸謂之夏州注云言取討夏徵舒之州引此者以證有州之義也正月之吉各屬其州之民

而讀灋以攷其德行道藝而勸之以糾其過

惡而戒之屬猶合也聚也因聚衆而勸戒之**疏**正月

之。釋曰謂建子之月一日也各屬其州之民者屬猶合也聚也謂合聚一州之民也而讀法者謂對衆讀一年政令及十二教之法使知之云以考其德行道藝而勸之者謂考量民之六德六行及六藝之道藝而勸勉之使之勤脩云以糾其過惡而戒之者民有過惡糾察與之罪而懲戒之。注屬猶至其善。釋曰言因聚衆而勸戒之者謂欲勸戒之必須聚衆故言因聚衆而勸戒之欲其善也若以歲時祭祀州社則屬其

民而讀灋亦如之春秋以禮會民而射于州

序

序州黨之學也會民而射所以正其志也射義曰射之爲言繹也繹者各繹己之志○會如字注同

疏

若以至州序○釋曰上云歲時皆謂歲之四時此云歲時雅有歲之二時春秋耳春祭社以祈膏雨望五穀豐熟秋祭社者以百穀豐稔所以報功故云祭祀州社也云則屬其民而讀法亦如之者凡讀法皆因節會以聚民今旣祭因聚民而讀法故云亦如之云春秋以禮會民而射于州序者州長因春秋二時皆以禮會聚其民而行射禮于州之序學中言以禮者亦謂先行鄉飲酒之禮乃射故云以禮也○注序州至之志○釋曰此知序州黨學者案下黨正亦云飲酒于序故知州黨學同名爲序若鄉則立庠故禮記鄉飲酒義云主人迎賓于庠門之外彼鄉大夫行賓賢能非州長黨正所行故知庠則鄉學也云會民而射所以正其志也者凡禮射皆須存其志意故鄭即引射義曰射之爲言繹也繹者各繹己之志繹陳也言各陳己志者謂若射義云凡州之大祭祀射者內志正外體直乃能中之是也

凡州之大祭祀

大喪皆蒞其事

大祭祀謂州社稷也大喪鄉老鄉大夫於是卒者也蒞臨也

疏

州凡

至其事○釋曰云凡者以其大祭大喪非一故云凡也云州之大祭祀大喪者則非國家祭祀喪事謂州之大祭唯有春

秋祭社也。州之大喪者三公卿大夫之喪也。云皆湝其事者。二州長皆臨其事也。注大祭至臨也。釋曰言大祭祀謂州社稷者。以上文云歲時祭祀州社。此經又因言州之大祭祀。故知還是上文州社也。知有稷者。以其天子諸侯三社皆稷。對之故知兼有稷也。言州社者。若言大社。國社之類。又對黨祭。祭族祭。醯故。此特言州社也。云大喪。鄉老鄉大夫者。以其遠郊之內。置六鄉。鄉老與鄉大夫死。不出六鄉。要在一鄉。一州一黨一族一閭之內。今據州而言。故云於是卒者也。

若國作民而師田行役之事則帥而致之掌

其戒令與其賞罰致之致之於司徒也掌其戒疏

若國至賞罰。釋曰言若者不定之辭。若如也。如有國家作起其民。師謂征伐田謂田獵。行謂巡狩。役謂役作。此數事者皆須徵聚其民。州長則各帥其民而致之于司徒也。云掌其戒令與其賞罰者。州長既致其民還自領已民為師帥。故還使州長掌之也。注致之至師帥。釋曰云致之於司徒也。者謂州長致與小司徒。小司徒乃帥而致與大司徒。故小司徒職云大軍旅帥其衆庶是也。云因為師帥者。若衆屬軍吏別有軍吏掌之。何得還自掌之。故知因為師帥也。但在鄉為

州長已管其民在軍還領已民為師帥則是因內政寄軍令也

令正歲則讀教灋如初

雖以正月讀之至正歲猶復讀之因此四時之正重

申之。重

疏

歲終正如初。釋曰既不言正歲之終周禮之內直言歲終者皆是周之歲終也言則會

其州之政令者謂會計當州黨正已下政令文書將以考課也云正歲則讀教法如初者以其建寅之月得四時之正於教令審故又讀教法言如初者亦當屬民讀之也

三年大比則大攷州里以

贊鄉大夫廢興

廢興所廢退所興進也鄭司農云贊助也

疏

三年至廢興。釋曰

州長至三年大案比之日則大考州里者謂年年考訖至三年則大考之言大者時有黜陟廢興故也

黨正各掌其黨之政令教治

鄭司農云五百家為黨論語曰孔子於鄉

黨又曰闕黨童子。治

疏

黨正至教治。釋曰言各者一

直吏反族師治令同

政令及十二教與治職文書。注鄭司至童子。釋曰先鄭知五百家為黨者以其五家為比五比為閭四閭為族五族

及四時之孟月吉日則屬民而

以四孟之月朔日讀法者彌親民者於教亦彌數○數音所角反

及四至戒之。○釋曰及至也。黨正四時孟月吉日則屬民而讀邦法者因糾戒之如州長之爲也。○注以四至

○釋曰云以四孟之月朔日讀法者彌親民者於教亦

彌數者上文州長唯有建子建寅及春秋祭社四度讀法此

正四孟及下文春秋祭禘并正歲一年十度讀法者以其

鄉大夫管五州去民遠不讀法州長管五黨去民漸親故四

讀法鄭云彌親民者則非直徒解

黨合而已案下族師十四度讀法彌多於此故鄭摠釋云彌

祭謂雩祭水旱之神
蓋亦爲壇位如祭社

春秋至如之。○釋曰黨正不得與州同祭社。故亦春秋祭禘神也。○注禘謂至稷云。○釋

祭謂雩祭水旱之神者案禮記祭法云雩祭水旱

永昭公元年左氏傳子產云水旱癘疫之不時於是乎禳之

皆是祭水旱神也云蓋亦爲壇位如祭社稷云者以其大

司徒及封人等皆云社稷有壇又祭法王宮祭日及雩祭